

PL  
2698  
H7866  
A16  
1734  
v. 5







士頭戴鳥巾學隱倫相酒紉何烈姓客王不車







文清公薛先生文集卷之七

門人關西張鼎校正編輯

律詩

簡楊景端

我到城中已五日子在山間不一來應畏風寒歷氷  
雪想憂澗滑行莓苔石泉繞戶只自語柴門竟日因  
誰開姑射今朝好晴色相期握手登崔嵬

留贈楊景端二首

千里歸來訪故人喜聞結屋澗之濱手披青史尋高  
士頭戴烏巾學隱倫樽酒細傾延好客斑衣輕舞奉



慈親自慙東抹西塗手又促行珂覲 紫宸

又

祗聞騰踏上亨衢何事中林又卜居谷口引泉看灌  
漑隴頭植杖勸耕鋤還同主婦供親膳更課兒童讀  
古書莫向家山窮此樂好將功業贄唐虞

簡孔別駕遊禹門用謝太守韻二首

別駕乘春訪勝遊禹門佳處重遲留兩邊翠壁連天  
起三級銀河入海流變化豈無神異物往來應有濟  
川舟遙遙明德人知否地闢天成幾萬秋

雙旌曾向禹門遊別駕今來亦暫留岸斷雲霞開翠



壁天連棧閣駕黃流千金尚想淡心瓢萬斛深期渡  
口舟如此山川元不惡可無詩句記春秋

冬至二首

九野蒼蒼閔太陰重淵脉脉動天心庖犧易有千年  
畫康節詩存半夜吟忽向靜中聞號號却從無處見  
森森固知一氣何曾息祇是天根辯古今

萬古天開只此時却憐春意正如絲群生已向無中  
見一氣還從靜處移匝地寒風徒凜凜行天化日漸  
遲遲吾心欲說知何似靜裏仍含未動機

讀文山傳三首



朔氣蕭森歲向深揮戈挾淚動哀吟艱危已竭回天  
力慷慨猶存捧日心海水尋常秋月冷塞雲千里暮  
星沉悠悠往事都如夢只有孤忠照古今  
丞相聲名二百年分明往事在遺編初離故國悲禾  
黍再立危邦慘杜鵑大勢已傾寧畏死孤忠自許敢  
求全當時桃李知何限回首春風盡落然

氛祲冥冥暗海波英雄無地用干戈精忠在我當如  
此成敗由天奈若何渺渺蒼梧西日淡蕭蕭大地北  
風多睢陽錦里皆祠廟丞相勛名共不磨

登南坡



土阜層層有萬盤。偶來高頂望人寰。  
蕭蕭川宿麥浮青浪。一帶晴嵐列翠鬟。  
何處雲霞迷磧石。數村桑柘繞綿山。  
唐風晉問憑誰說。地濶天高鴈影閑。

春日懷劉僉憲三首

千里關河歸故邑。兩年風景憶虛菴。  
郢中白雪知誰和。爨下清琴想自譖。  
君擁霜臺名未已。我傷風木意難堪。  
近來幾欲裁書寄。春鴈其如不向南。

南望中州有所思。山川回首歲華移。  
早春京索嘶杯處。晚歲崑函駐馬時。  
月浦單懷陪款語。霜清河朔寄新詩。  
舊遊一一成追憶。此後相逢更有期。



虛菴事業久礱磨  
憲府乘駟歲月多  
已見風霜清郡邑  
况聞詞賦動關河  
幾回邂逅情如舊  
兩載相思意若何  
自古中州多勝迹  
擬從飛蓋盡經過

重登故鎮寺樓

重來故鎮已三秋  
又上招提百尺樓  
山遠飛甍浮翠黛  
岸遮遠目斷黃流  
迴溪俯瞰鄰鄰玉  
喬木深藏曲曲丘  
莫謂此時窮勝槩  
還期汗漫九垓遊

紀先人舊遊三首

樹已成林麥滿郊  
春風春雨自飄蕭  
孤雲出岫飛還逐  
衆鳥歸林嘯且招  
俯仰空驚天地在  
低迷深覺景



平遙舊遊山水似成感披淚思親首屢搔  
陰陰夏木繞茅廬曾是先人舊寓居梁土又來前度  
燕篴中空有昔年書聲音尚想當窓發杖屨猶疑隔  
戶趨五內此時摧裂甚詩成滿紙淚如珠  
祗願庭椿過百齡寧知奄忽便摧零舊遊山水皆悲  
思昔住園廬盡慘情菽水有懽成昨夢衣冠無計覩  
平生孫兒指點經行處清淚如泉散漫傾

雨中簡別秉忠三首

獨抱離憂罷酒罇更看連日雨傾盆庭除汨汨深流  
潦兒硯層層潤積痕往事一緇聊自託永懷千古向



誰論先生最是知音者咫尺何由一扣門

兩耳蕭蕭怯雨聲三更起坐到天明小儒自合通竇  
濕大厦何由不日成傾瀉只疑天漢竭奔流深恐地  
維傾會須萬里清風至盡掃雲陰放曉晴

客居長日少人過况復經旬積雨多自愛窓前生綠  
草不妨門外注銀河頑雲礙日能爲沴流潦因風解  
起波爲問郡庠周博士此時官况定如何

贈海昌李太守四首

客裏終天痛有餘感君相慰意難舒細論往日交情  
厚却訝連年音問疎肝膽舊看如舊鑑詩篇今覩



明珠暫時相見還相別况是開河馬過初

我在中州君在吳幾年寥落鴈書無每思謝氏登山  
屐長憶黃公賣酒壚忽共青燈談肺腑細看白雪點  
頭顱英雄不減當時壯耿耿秋空劍氣孤

古今身世共茫茫出處無端總是常才俊從來推賈  
誼功名未必老馮唐幾看上谷秋鴻影忽對中州夜  
月光聖代只今登俊彥豈容江海久徜徉

中州風景正凄清忽與交親話舊情往日襟懷常浩  
蕩昔年豪傑漸飄零一渠汴水涵秋碧萬仞嵩山露  
曉青勝地相逢應不偶好將佳句詠耆英



簡楊克英府幕

聞道微租日正忙暫移行幕駐僧房  
紅蓮泛水浮朝彩綠樹搖風引夕涼  
公暇不妨尋好句講時端復炷名香  
好將寬政安黎庶留取功名汗簡光

雪後寄楊景端

雪白山青北望高相思咫尺興滔滔  
若人未必傷沈鬱吾道何須嘆寂寥  
重賈文章鳴治世臯夔事業擬清朝  
村君不識楊夫子懶慢何心作解嘲

讀許魯齋思親詩并序

洪熙元年冬十二月余扶先人柩至覃懷宣



德元年春正月啓先母窆合祔于汾陰先生  
既卒事因檢元音讀至魯齋先生七月望日  
思親詩乃悽然有感潛然淚下遂次其韻得  
詩三首因書先生詩于前以見先賢誠孝之  
心溢于言表雖百載之下讀之猶足使人興  
起復書余詩于後以見余不仁不孝不能竭  
力于始終視前賢大節有愧云

思却千思與萬思音容無復見當時草窓夜靜燈前  
教蔬園春深膝下嬉將謂百年供色養豈期一日便  
生離泰山爲礪終磨滅此恨綿綿未易衰



次韻三首

觸目家山總是思  
思親况遇早春時  
日長每聽詩書訓  
風暖頻隨杖履嬉  
百載韶華成荏苒  
終天涕淚感睽離  
自緣孤子無誠孝  
不是人生有盛衰

風光滿目動哀思  
春草春花似舊時  
堂芥已成終古恨  
斑斕不復往時嬉  
中宵孤解追前夢  
隔歲猶如在遠離  
却憶高堂覽明鏡  
曾將華髮嘆年衰

彷彿音容彷彿思  
衣冠出入憶當時  
成人未返林鳥哺  
稚子曾騎竹馬嬉  
椿老暮庭鳳襖草  
荒春塚雨離固知  
罔極恩難報  
只恐終天孝易衰



山沃道中三首

秋雨霽過新田綠樹人家斷復連  
汾澮波光晴泛日絳喬山色曉  
參天中生大孝留天地里克遺名載  
簡編何事齊姜墳上草恐將芳意度流年

四圍山抱一川平新晉猶傳舊日名  
汾隰漲消秋色淡虎和宮老夕陽明  
歌傳烏鳥空遺恨詩賦椒聊謾有情  
往事無端何足問且聽父老說秋成

榮陽詠古八首

京索千年罷戰塵空將往事問居民  
山川遼近皆陳迹道路東西是要津  
黃屋幾回思義士赤精終古有



真人拔山舉鼎知何似馬到烏江感慨頻

萬山依舊接嵩丘京索于今不斷流莊段是非留陸  
道項劉成敗有鴻溝古槐樹歷歲時久大海寺經風  
雨秋更上高原訪遺跡荒城故壘暮雲稠

日迴天高秋氣清登臨懷古倍多情山連廣武故城  
在路入鴻溝草樹平甬道年深無舊迹索流歲久只  
新聲興亡莫道都如夢終古猶存楚漢名

楚漢干戈久已休尚存遺迹在中州幾灣流水風烟  
暮一片荒城草樹秋力戰可堪離廣武分疆空見指  
鴻溝當時四百興劉計只在張良一運籌



蕭蕭涼吹動秋空千古河山一望中  
廣武連營秋草碧鴻溝分壤夕陽紅  
石麟有甲含蒼蘚鉄馬無聲散曉風  
何限英豪俱泯滅白雲依舊出層峯  
陵谷高低控虎牢戰聲消息水滔滔  
旌旗滿眼無遺迹壁壘連雲只舊壕  
廣武西原通鞏洛萬山南面接嵩高  
悠悠往事皆如此懷古登臨何太勞  
滎陽景物似當時不見唐朝老畫師  
隧道莊姜今已矣京城太叔果何爲  
留侯計用炎光振亞父身亡霸業衰  
多少是非成往鑑莫將遺事使人悲

岡巒廻合一川平澗壑高低繞故城  
千古好山寧改



色滿溪流水不停聲留候總得翕張術漢祖身存駕  
馭情更望登高發長嘯當時豪傑已成名

題沈令送別卷

雙鳬縹緲上青霄令尹朝天不憚遙密縣于今思卓  
茂淮南自昔想時苗玉階仗引龍旂合寶殿香浮雉  
扇高鴻鴈近秋多健翻佳章早慰此心勞

西郊看刈禾二首

爲農每愛寬平地已向中州住七年莫道功名當早  
歲且看禾黍熟秋天蕭蕭滿地收霜穗整整成稌積  
晚烟濁酒一壺勞僮僕素餐深恐愧前賢



西原秋氣早生涼  
禾黍離離被隴黃  
穰處風烟輕捲  
席積來鴈驚  
整分行大田已見多遺穗  
客廩應知足  
臘糧莫嘆書生親稼穡  
躬耕有客卧南陽

酬黃養正韻

翰苑香名久已聞  
薊門秋晚又逢君  
孤城木落蛩吟  
月旅館風來鴈哭雲  
眼底江山期共賦  
馬頭岐路惜  
重分遼西不久留  
才子昭代如今正  
右文

經王素亭舊居

野浦荒村訪舊居  
烏啼花落碧窓虛  
蕪園不復栽紅  
藥閑館曾經看素書  
對酒每懷陶靖節  
論文長笑馬



文集卷之十一  
相如自從鵬鸚因風去水色山光思有餘

經玉田挽待詔魯仲輝

孤樹山前兩度過懷人搔首重悲歌  
文章事業今如此別鶴行雲竟若何  
渺渺夕陽卿樹遠萋萋芳草滿  
封多人間俯仰堪惆悵不必臨流嘆逝波

都城卽事

瞳眬曉日上蓬萊縹緲祥雲擁泰階  
旌旆風搖龍虎勢簫韶聲奏鳳凰來  
九衢車馬香塵合萬井笙歌曙色開  
千古土游形勝地兩都欲賦愧非才

過苑仲仁莊看



爽氣澄清暑雨餘。乘閑信馬到村居。桑麻影裏元  
逕。楊柳陰中靖節廬。縱飲百壺賢聖酒。劇談千古帝  
王書。籬邊黃菊煩多種。九月還來一訪渠。

無題四首

逸興飄然賦遠遊。可堪三島隔瓊州。曾聞神女雲侵  
曉。見說麻姑雪滿頭。海上樓臺常似畫。山中瑶草不  
知秋。若爲借得仙家鶴。鳴佩珊珊玩九州。  
桂館瓊扉辟荔牆。清脩獨爾意難忘。已將蘭芷爲芳  
籍。更集芙蓉製錦裳。洛浦佳人鳴珮玉。茂陵才子詠  
騫凰。應須一趁仙家酒。散作人間雨露香。



風滿珠簾月滿樓瑤臺有路可追遊香生寶鴨沉烟  
細露滴銀床玉宇秋楚岫三更雲渺渺藍橋千里浪  
悠悠花箋寫就煩青鳥更爲殷勤到十洲

絕世清娥二八餘仙容綽約好樓居鮫人夜織綃爲  
帳雲女秋裁錦作裾碧海蘭苕巢翡翠瑤池清水泛  
芙蕖祇應待得吹簫伴共跨飛鸞躡太虛

題舊石橋

古橋欹側岸縈迴立馬臨流一捨懷鯨鯢水沉沙底  
石蛟螭碑暗雨中苔闌干幾曲人頻倚華表千年鶴  
再來擾擾勞生只如此好將襟抱酒中開



宿水村二首

日暮江頭送客還，寂寥清夜不成歡。  
連天海氣當窗白，一枕江風入夢寒。  
鷄鳴遠村皆落月，潮生古渡已  
眉潮。披衣久坐待明發，白石歌餘興未闌。

夜宿江村日已昏，村童還爲啓柴門。  
壺觴欲醉黃翁酒，盤饌深慙漂母餐。  
夜雪生香蘆被煖，晚烟添綠土  
床溫。清宵總是滄波趣，莫向人寰取次論。

春日遣興

靄靄春雲度女牆，萋萋春草遍芳塘。  
園林風景非吾立，庭館鶯花是異鄉。  
野芹波紋浮鴨綠，官橋柳色弄



鴻黃不知多少相思意祗逐遊絲百尺長

秋日寄王嘉靖

漢陽秋色動關河遼右天晴一鴈過  
白社高人渾懶慢青壇學士久蹉跎  
此西風對酒結聲切良夜調琴月  
影多珍重遠書勞問訊相違千里奈情何

九日次徐懷玉韻

對酒東籬自詠詩遠山晴望轉逶迤  
秋容淡薄黃花即風景蕭條白鴈時  
醉開人寰聊縱目靜思塵事久  
父順年年此日無窮意快把茱萸欲贈誰

寄題魏隱居



芳草柴門少客過日長清隱定如何  
一瓢道比顏生樂千首詩同杜甫多  
樓臺亂蟬晴轉急隔林幽鳥晚當歌  
絕憐垂白磻溪老猶整綸竿釣碧波

七夕憶去年與陳上舍飲

晚涼庭館秩初筵同醉西風又一年  
星漢已成人世阻僊槎應到鵲橋邊  
鳳簫聲遠頻驚夢蟾魄秋高幾上弦  
自咲生涯還似拙不勞瓜果乞青天

對雨

蒼蒼雲氣起蓬萊  
東雨朝從海上來  
客洒園林聲漸  
瀝交流陂澤浪崔嵬  
龍飛霄漢風雷動  
鯢化天池羽



翼開六合茫茫看一洗高堂獨坐興悠哉

早秋

露下梧桐一葉飛早秋涼氣襲人衣  
西風樹老蟬聲急夜月涼深燕影稀  
鸞鏡每看新事業龍泉頻拭舊光輝  
黃花晚景真堪賞九辯何須怨夕暉

都城喜雨

祥雲無處不從龍好雨來時自九重  
泛灑已應千里遍沾濡旋及萬方同  
水連雲漢恩波濶山統皇都樹色濃  
自是太平今有象康衢歌裏慶年豐

都城春夕示懷二首



城鼓角夜沉沉旅館東風動客吟何處樓臺閑  
景誰家絃管動清音燈前看劍添雄志膝上鳴琴托  
右心呼酒更須連夜飲放懷寧惜橐中金  
花外更籌刻漏遲客邊清興少人知歌餘綠樹風生  
處坐到青天月上時對酒豈能斟北斗誦詩空解望  
南箕清宵俯仰情何限寂寞誰能問所思

早過天津卽直沽

烟收澤國曉天晴日出扶桑萬里明二水交流東海  
濶一城雄鎮朔方清連雲風送孤帆遠夾岸潮隨大  
舶平借問閤門來往客不知誰是棄繻生



七夕雨

天孫不乞人間巧，故使秋雲蔽月輝。  
銀漢晚烟迷鶴馭，玉霄涼雨濺仙衣。  
更無絲結看蛛綴，祇想橋成有鵲飛。  
獨立秋風倍惆悵，通津何處問樵機。

春日懷舊遊簡胥貢士二首

剡門春色阻關河，汴野東風長綠莎。  
正是懷人烟景暮，不堪對酒雨聲多。  
閑中謾寫凌雲賦，醉裏誰聽白雪歌。  
惟有流鶯相厚意，柳溪花逕數來過。

落落襟懷正黯然，早春時節憶當年。  
玉田城外花經雨，藍水橋頭柳帶烟。  
千里交游成遠夢，百年蹤跡任



皇天高山流水知音在  
還對東風理素絃

登賢聖閣三首

梁苑清秋白晝閑  
偶尋名利扣禪關  
百盤飛磴身遙上  
千尺危闌手自攀  
已見神遊朝貝闕  
便從羽化出塵寰  
中天俯仰多時節  
颯颯天風冷珮環

化人樓閣倚青霄  
大地山河極望遙  
秋入淮黃波浩蕩  
雲開嵩少影岩嶢  
九天沆瀣寒堪吸  
八牖星辰近可招  
十二曲闌渾倚遍  
一襟涼思正飄飄

鹿鳴宴二首

揭曉鄉闈日正晴  
大開藩府會文星  
繡衣弭節皆英



後章甫持衡盡老成龍管緩吹金縷細鳳笙齊逐玉  
杯作酒闌歸騎西風穩蟾魄秋高萬里明  
古木森森政事堂興賢開宴會金章緋衣送酒傾  
鵠翠袖吹笙引鳳凰晴日漸移珠箔影暖烟深護瑞  
爐香祇知醉裏風雲濶袖拂歸鞭滿路霜

晚翠軒爲李大參賦

爲嫌紅紫競春風獨愛幽軒晚色濃霜後翠飄千箇  
竹雪中清藹數株松自緣品彙孤根別解與忠良勁  
節同畫省公餘看未足一襟清思歲寒中

題滄州升室卷



道人結屋滄州裏四面闌干枕碧湍石榻生寒秋  
潤柴門湧月夜濤寒鸞鳳佩影空中見龍虎丹光水  
底蟠清絕一塵飛不到蓬壺元只在人間

送友人下第歸山東

殘紅滿地草萋萋把酒都門惜解携  
祗擬大鵬搏碧落可應騶馬蹶霜蹄  
天開汶水龜蒙近日轉瀛洲岳  
岳低一曲瑶琴休悵別重來雲路有丹梯

題溪山嘉趣圖

仙人騎鶴去已久猶有畫圖傳世間  
石林倒浸碧溪裏玉峰秀出青雲端  
數椽茅屋鎮寥閬一葉扁舟常



文集卷之七  
十五  
往還借問此中何所樂萬事不羈山水閑

送王上舍歸省

鳳城南陌柳依依把酒東風送客歸上舍已霑新雨  
露高堂重舞舊斑衣文章濟世時應重忠孝傳家古  
亦稀我亦有親垂鶴髮願承天寵拜庭闈

登科後還家省侍

萬里鵬程浩蕩飛千年際遇古今稀初從天上看金  
榜又向人間戲綵衣衛水南旋帆漠漠晉山西上馬  
駢駢君親恩比滄溟大忠孝深期願莫違

洛水道中



古道縈迴傍險行蕭蕭禾黍晚風清無邊詩思寄高  
色不盡年光洛水聲華表柱傾秋草含龜趺碑磨雨  
苔生往來人世成今古一曲高歌寄此情

狄梁公墓

祁山山下重夷猶曠世思公涕淚流荒塚一杯埋義  
氣豐碑千古表忠謀李唐神器危還正武媚妖氛散  
後收更賴紫陽華袞筆奸邪聞見總包羞

陝州抵沙澗渡

聖岡高下近弘農北首鄉關喜氣濃三晉雲山秋色  
裏兩河荊樹夕陽中素繡誰識當年客操築應無舊



日翁遠岸急風吹大舫令人却憶濟川功

雨中過條山

一夜秋空結晚陰曉來衝雨歷層岑  
山迴靈籟蕭蕭急谷轉雲濤漠漠深  
瓦甎潢流淹遠道酷憐霜菊拆  
秋金却思二十年前路岷水岷山萬里心

題蘇大尹具慶卷

祿養雙親志不違人生此樂似君稀  
階前椿樹風長靜屋背萱花露未晞  
百里忽傳毛義檄三春又舞老萊衣  
定知移孝爲忠日應有聲名達禁闈

黃河阻風遣悶



遠岸沙飛風浪渾流漸不斷下三門蛟龍東蟄波心  
水舟楫寒依渡口村破悶只須吟罷句消愁誰與貰  
清樽臨流苦憶殷賢相回首傳若烟霧昏

和經武氏荅塞韻

羽衣曾此侍鑾輿觀闕今爲一廢區鸚鵡尚留青帝  
坐乳鷄無復紫宸居已看大象飛寒燼又見天樞偃  
綠蕪惆悵當年多少事西風回首盡長吁

送王別駕

十五年前是故人還家今見錦衣新麟經共仰淵源  
學驥足終爲鼎鼐臣遠別黃堂當晚歲遙瞻紫禁



正新春河橋分手情無限目送班生滿路塵

卜居後簡陳廣文

轉蓬天地欲何如又向中州買屋居  
峴首詩人王粲宅南陽豪傑孔明廬  
行藏祇想前賢迹事業惟存往日書  
賴有知音陳掌教時能相顧慰蕭疎

和劉僉憲見貽韻

明公年妙蘊經濟登車攬轡何壯哉  
昔遊梁苑思一見今在滎陽逢又來  
知音幸自遇青眼得意便當傾玉杯  
明日河橋暫分手亭橋有約共徘徊

有懷王大尹汝霖



昔當賤子還家日政是賢侯赴闕時  
暫對離樽論處遠從別路說相思  
重來只見棠陰滿一去空憐鴈影遲  
好在當年舊山水登臨誰與賦新詩

有懷余廣文

先生去此幾經年一度歸來一惘然  
綺席每思留月醉書牕長憶聽松眠  
流傳尚有關心句清切難尋入耳絃  
負却山川無限好把杯吟向晚涼天

夏夜邑學士友携酒共話

留連不盡意如何良夜相陪笑語多  
銀燭檢書勞問難玉壺携酒費吟哦  
樓頭遠鼓催華月天外微風落



絳河坐到中宵人客散壯懷猶擊唾壺歌

袁王社三老携酒餽話舊酬以詩

爲謝殷勤父老情到門相顧問歸程盤將銀鱸黃河  
鯉酒擊青絲白玉瓶細話交遊非往歲劇談閭里異  
平生從今杖屨頻來往南陌東阡儘送迎

有懷魏希文

君居薊北我汾陽隱隱雲山道路長每念昔年心事  
好却慙近日宦情忙一生經世詩盈紙幾度懷人酒  
滿觴想是龍鍾應有分莫交容易鬢成霜

聞蟬



天館秋涼客寓居  
忽聞簾外一蟬初  
已知時序相催  
急併覺天真感激餘  
楚辭兮秋蛩韻切齊  
箏彈月鴈  
行疎裁書爲報歐陽子  
萬響中間有太虛

秋日嶺西道中

匹馬重經舊路岐  
西風蕭瑟晚秋時  
山川閱世無今  
古花草娛人有盛衰  
幾道泉鳴幽澗石  
兩崖蟬響夕陽枝  
祗應詞客偏多感  
處處秋光首首詩

送馬太守之西安

玉階新拜寵恩濃  
皂蓋西行五馬同  
秦樹到關開曉色  
岳連當路出奇峰  
好詢民隱周三輔  
爲播仁風



卷之七  
一  
荅九重青史古稱張趙蹟會看勛業繼前蹤

呈王大參

千年海岳鍾英俊獨步文章握茂科執法烏臺留勁  
節分符薇省布陽和春風隴麥行邊秀時雨棠陰到  
處多金鼎調元應有日豐功行見被絃歌

春郊寓目

杏花開後近清明雨過郊原愛日晴風轉綠蕪浮曉  
色氣催黃鳥變春聲山連少室峰巒秀地入梁園草  
樹平此景真堪共眺賞恨無知己論詩情

登溫縣城



古堞攀躋最上層  
烟燕渺渺望中平  
大河波浪排空  
濁少室峰巒隔岸青  
巷陌雨餘林影潤  
城壕風起柳花輕  
平生最喜登高賦  
况有沽來酒滿瓶

河陽懷古

武王曾此奮天戈  
繼世其如出柰何  
兩岸綠楊遮漢水  
蒲汀芳草際黃河  
和經墓古聲名大  
蒲岳花殘歲月多  
遮馬堤邊重回首  
遮馬堤即唐李光弼處  
鬱嵯峨

次陳廣文韻留別一首

柴陽南望萬山橫  
萬山柴陽山名  
偶此成家計未安  
生意秬



憑禾稼好離情惟向酒杯寬詩留東道春將暮馬渡  
西河夏未殘自笑往來成底事鼎彝勛業定誰刊  
千里開河百慮攢不知何日此身安祇應浩浩風雲  
濶倍覺茫茫宇宙寬三晉到時垂已老二陵行處麥  
將殘人生離合尋常事要使高名世不刊

晚登故鎮寺樓

危構峨峨杳靄間登臨不盡壯懷寬千年土地唐風  
舊一派河流禹跡閒鳥載夕陽歸遠樹龍携暮雨過  
前山此時無限飄然思便欲因風上九關

送楊景端赴秋試至寶勝寺



有客將爲汗漫遊，偶過山寺暫淹留。  
門開佛殿金銀鹿，路入禪房草樹幽。  
市酒飲多還覺醉，風蟬響急又驚秋。  
君行若到丹丘上，爲報群仙未白頭。

秋日家山雜詠五首

八月家山覺早涼，登臨懷古興何長。  
醉鄉樂土輸王績，魯國高文老卜商。  
漢祀汾陰遺廟在，殷遷耿邑故城荒。  
樓船簫鼓空流水，一曲秋風菊又芳。

孤城比望萬峰高，禹鑿龍門勢獨豪。  
三晉山河還表裏，千年人物舊風騷。  
子安詩在名猶盛，太史書成志已勞。  
難覓醉鄉王學士，秋來禾黍滿東臯。



蕭蕭林壑動秋風獨上崇岡四望同九折河流皆禹  
迹千年疆宇總堯封龍門獻策文中子麟趾成書大  
史公搔首高人今遠矣斷雲滿目送征鴻

黯淡輕陰結遠天無邊秋色正蕭然蒼崖斷岸西風  
裏古剝荒祠夕照邊黃菊已隨陶令老丹砂不信葛  
洪仙豪華靡靡皆如此惟有騷人麗句傳

雲山西去接崑崙河水東來下禹門疏鑿但能留勝  
迹浮沉誰復問真源將軍三箭功何似教授千年道  
直存獨立西風看秋色幾多心事向誰論



魏主城頭日欲晡尚驅羸馬涉前途黑龍堰石波濤  
吐青石槽長草樹踈風土仍存唐帝俗川原猶帶夏  
王墟憑高處處頻回首目斷雲山憶故居

平陸謁傳說祠

澗道重岡擁復迴秋風老樹古祠開帝廷大命紆宸  
念箕尾清光接上台欲奠市泊思麴蘖將羞時品憶  
鹽梅故知岩穴多奇士可是旁求到草萊

渡茅津

舟人催棹渡茅津南上崇岡感慨頻昨日猶爲故里  
客今朝又作異鄉人風霜淒冷關河曉草木凋殘歲



月新却愧傅岩操築老不應如我久征塵

沔池懷古次劉食憲韻三首

行過崤陵到沔池  
九秋黃葉撲人衣  
風來澗水渡聲急  
霜下韶山樹影微  
地遠黃河連暮靄  
峰高白石映秋暉  
當時秦趙同盟處  
只有荒丘鳥雀飛  
沔流猶遶舊城池  
城下秋風動客衣  
桓塚未荒王業降  
盟臺已築霸功微  
石門衰草連秋色  
亭柱踈林暝夕暉  
更上馬頭高處望  
五龍潭畔暮雲飛  
山作高城水作池  
諸侯曾此會戎衣  
臺荒已見兵威息  
波響猶疑瑟韻微  
周黨聲名垂汗竹  
桓王弓劍



斜暉登臨不盡千年意目送秋空雲鴈飛

新安次劉僉憲韻

千載新安要路邊  
函關知是漢時遷  
水流瀍澗深還  
靜山接嵩卽斷復連  
古洞茶枰疑晏迹  
白墻石榴卽  
名泉平生最愛錢  
宣靖絕勝王喬第一仙

夏溪書舍爲劉進士賦

高人臨水築茅堂  
八牖開風面面涼  
芳草蒲庭交翠  
色露荷當檻發幽香  
彈琴石瀨含秋響  
杖策藜燈耿  
夜光我欲携筇遠相訪  
暫從墳典話黃唐

簡白沈呂三藩府二首



雄鎮堂堂相府深  
爐烟不受曉寒侵  
調元總屬經綸手  
下士常存吐握心  
歲晚松枝留勁節  
春來棠葉藹濃陰  
豐功會見銘鍾鼎  
應有清光照古今  
大鹵提封接帝居  
大藩公相盡名儒  
觀風歲久山常靜  
宣德冬來日漸舒  
畫省煖雲浮瑞鴨  
雕闌晴雪照金魚  
書生亦有扶搖翼  
更借剛風到碧虛

留別文孫王宋四廣文

我客并州歲晏時  
偶然相見卽相知  
香醪淺酌還深酌  
佳句朝題復暮題  
意氣難逢今日好  
風流不讓古人嗟  
予走馬明朝去  
雪嶺冰崖有所思



贈澤岸趙廣文三首

投宿山城雪打衣。廣文情重啓華扉。爐開瑞獸能  
融燄。燈結金蟲解吐輝。官況不嫌如我淡。交情深嘆似  
君稀。明朝又上羊腸道。回首寒雲滿目飛。  
先生事業近何如。濩澤菁莪樂沛濡。翫日豈無清敵  
鶴。傳家應有子昂書。緇縻歲久芸除蠹。堂戶年來鶻  
送魚。握手臨歧何所祝。洪洲還好探驪珠。  
登科輸子只三籌。梁苑當年一樣秋。往日已曾傾蓋  
語。今朝何必典衣留。繞梁聽鶴頻斟酌。唾落珠璣迭  
唱酬。咫尺關河隔南北。晉山明月下中州。



贈袁司訓

華冒遙遙代作公先生還此振儒風  
已從桂籍看清譽又向芹宮識粹容  
狂飲尚能欺臆蟻放歌誰復感  
秋蓬追隨駿馬城南別笑拂吳鉤氣吐虹

脩武懷古二首

春過甯邑馬行遲攬轡東風眺望時  
淬劍池留中散迹承恩鎮駐武王師  
劉伶醒酒臺猶在漢獻封公塚  
謾遺七世同居良亦少至今人詠義夫詩

甯邑南邊潁水流勒兵周武幾經秋  
黃崖石古烟雲青口山深草樹稠  
百佛謾存岩畔迹七真無在客



中遊循良衛颯今何似猶有高名播九州

題沈令雙桂堂

小山人去歲悠哉移得芳叢夾戶栽綠蔭共隨簷影  
落清香時逐綠衣來年深應有連枝瑞老大寧非聳  
壑材總賴高堂培養力秋風還有幾花開

題沈令瞻松卷

底處知君憶所天瞻松終日涕漣漣春翻時雨情何  
極秋灑涼風興慨然鳥語故巢天欲曙鶴來滄海月  
初圓此情欲問何時盡直到蒼蒼化石年

酬師中言見貽韻



老成名譽遠流傳，忽寄新詩到客邊。  
玉札丹砂應有訣，蒼顏白髮保無愆。  
失雲病鶴翎猶健，起日芳莢色自妍。  
莫向周南嘆留滯，丹梯依舊好攀緣。

送李少府從征

相知未久又分襟，春色離情兩不禁。  
暫解瑤琴辭水，還衣畫錦過家林。  
野塘日暖冰消玉，官路風和柳絮金。  
談笑青油有餘興，鱗鴻頻爲寄佳音。

和曾僉憲贈劉僉憲韻二首

乘輅早歲赴三川，按節中州又幾年。  
天啓貞符欣際，星明執法羨超遷。  
綱維已見當時振，詩卷仍留後



世傳避近幾回嗟。又別好期。勛業在凌州。  
聞築烏臺一室。成四圍。曉色抱虛明。簾櫳雨過。琴書  
潤戶。牖風來。枕簟清白。筆通宵。飄爽氣。訟庭長夏。絕  
囂聲。懸知到處留遺愛。賸有棠陰。統棟楹。

題劉僉憲琴書清處

虛菴底處貯琴書。聞築幽軒。傍所居。竹葉分陰。侵几  
席。松花和雨點。階除。調高。麝尾初離匣。帙古芸香亞。  
蒲厨好在希聲與。真意一襟清思。迥難如。

興隆寺

百尺高臺接女牆。梵王樓閣白雲鄉。牕開北極星光



近簾捲西山爽氣涼  
遠岸風蕭秋瑟瑟  
滿城烟樹晚蒼蒼  
因知一氣乾坤大  
併覺身心入混茫

魯齋先生覃懷書院

南北風塵瀕洞中天開  
人極產英雄  
幾年力學尋尼父  
萬里心傳得晦翁  
自信興王爲大道  
豈知伐國是元功  
當時歸老情何切  
爲愛西山萬玉峰

簡柴同知

手持雲錦到天鄉  
鴈鷺亨衢共頡頏  
識法十年推定國  
分符千里得王祥  
清聲籍籍傳中土  
爽氣飄飄接太行  
政暇好書還自覽  
新涼昨夜滿黃堂



覃懷秋曉作

梧樓月落曉鍾清  
起坐南窓讀聖經  
道大豈如湖海闊  
義微何止羽毛輕  
天開阡塊鴉初散  
風過園林葉盡鳴  
便欲出城閑極目  
西風清絕有高樓

覃懷秋夕詠懷

客裏覃懷又過秋  
一樽相對興悠悠  
論材聊作千人俊  
投筆寧期萬里侯  
霜葉滿庭紅不掃  
月華當戶靜還留  
人生志業無窮在  
肯學潘生歎白頭

寄沈仲安廣文

幾度相逢汴水邊  
好懷偏爲客留連  
北窓夜坐銷銀燭



燭南浦朝遊并錦鞢共指黃流經朔漠獨尋廣武暗  
秋烟與君幸自俱年少莫寄安成內史篇



文清公薛先生文集卷之八

門人關西張鼎校正編輯

律詩

送王秀才登鄉第歸闕懷

文運天開四海清  
新頒鳳詔屬賓興  
中州河岳鍾神秀  
梁苑風雲集俊英  
祗見驪珠千鑑重  
肯同魚目一毫輕  
看君得意歸鄉里  
何異當年畫錦榮

雪後至西郊二首

偶爾閑行出近郊  
新年殘臘氣將交  
蒼茫遠道風初定  
寂寞平原雪半消  
春色漸催山色動  
天光渾逐水



光搖乾坤滿目皆生意何必清宵看斗杓

臘到新年纔幾日四郊生意已欣然高低雪色春融  
液遠近煙光水接連已覺洪鈞回大地更看白日麗  
中天歲華人事皆如昨只有思親意惘然

題陳愈憲族譜三首

華胄誰如陳氏賢一門幾世住蛟川宗分衆派多遺  
澤家富群書總舊編蘭玉在庭爭奕燁鵬鴻得路競  
騰騫新裁諸籍增光耀玆襲應須久遠傳

蛟川喬木綠成圍詩禮傳家古亦稀揮架牙籤充棟  
宇分存蘭竹秀庭闌清門接踵雙黃榜烏府連聲兩



繡衣積德由來應未已  
佇看譜牒旋增輝

偶坐道傍獨樹下看山

獨樹道邊清影密  
偶來閑坐已多時  
塵勞擾擾於人  
厭山勢亭亭與客宜  
遠谷蒸雲能變化  
亂峰聯碧自  
逶迤  
褰衣便欲尋幽勝  
只恐山靈解勒移

雨後寓目

天衢廓落放新晴  
渺渺烟郊四望平  
嘉樹戰風搖野  
綠好山經雨洗空青  
兩間寂寂皆新氣  
衆木涓涓只舊聲  
玉燭已調今有象  
萬家耕鑿荷生成

夏日簡陳廣文



靜掃書齋坐日長  
好風時復送清涼  
焚香讀易添新趣  
隱几看雲憶故鄉  
蛺蝶已聞蟬響急  
將綢繆見燕飛忙  
索居久欲來相訪  
觸熱其如汗作漿

沈廣文送梨榴

八月梨榴俱已熟  
殷勤相送棟玲奇  
黃如楚國來柑橘  
紅似瀛洲擎荔枝  
磊落堆盤香並美  
酸甜澆齒味皆宜  
少陵肺渴全消釋  
只欠瓊瑤荅所私

新鄭詠古

經行鄭國舊山川  
禾黍悲風駐馬看  
烟樹幾灣流水在  
荒城千載暮雲閑  
時聞雨歇無龍鬪  
大隗山高只



烏還借問當時賢和國幾多遺愛在人間

扶溝道中

古堤東去路漫漫與客聯鑣縱大觀草木近浮梁苑  
濶烟霞平入楚天寬清風細細催蟬韻爽氣飄飄近  
馬鞍行到扶溝詢舊俗大賢千古仰高山

留別鄧可訓

偶過儒宮幾日留廣文清義若爲酬連床夜聽蕭蕭  
雨聯句朝吟泚泚秋臨水乍驚新漲急看山還喜遠  
青浮蟬聲驛路明朝別回首高城古木稠

秋日遣興簡陳廣文



西風連日雨初晴已覺新涼蒲戶庭玄鳥相將寧見  
影寒蟬寂寞已無聲能文解勁高人與對酒誰同好  
客情賴是長沙老詞伯新詩相送小童清

秋日王屋道中五首

崎嶇連日太行中王屋名存縣已空濟水難尋潛地  
脉天壇遙見出雲峰黃花夾道開清露紅樹漫山醉  
晚風處處登高重回首客懷秋思浩無窮

路轉山迴處處迷不登絕頂卽尋溪寒泉徹底清人  
目亂石盤空割馬蹄繞逕黃花猶戲蝶隔村紅樹乍  
聞鷄無端客思匆匆甚好景其如每倦題



地闊天開有此山。經行祇覺礙人寰。久知元氣包空  
外。細看長松走石間。有水遊魚還上下。無名啼鳥尚  
間關。高秋不盡登臨興。客况何由一日閒。

盡日區區歷險艱。山光時爲破愁顏。一川霜葉翻紅  
袖。幾簇烟嵐結翠鬟。佩玉聲清秋澗急。旌幢影落暮  
雲寒。時登絕頂看天地。元氣氤氳杳霭寬。

寥落山家處處稀。尋幽陟嶽馬行遲。滯溪紅葉沉秋  
水。半嶺霜棉吐夕暉。雨霽石田收稼了。烟深松迳  
負薪歸。詩成只恐山靈笑。千仞峰頭一振衣。

登中條山東頭



魏國中條此盡頭登臨暇日興悠悠兩崖勢轉黃流  
靜萬壑聲寒碧樹秋官舍飛甍臨遠谷琳宮細路繞  
層丘風光滿日皆吾土逸氣飄然總勝遊

戲題紅葉

自是霜根獨占先晚秋殘綠變紅鮮  
胭脂染嬋娟女金醴濃薰綽約仙  
入水忽驚丹伏鼎向陽還訝火  
生烟秋光宛似春光好搖蕩相思九月前

登中條山望大河有懷戴超二同年

登高遙望大河南木落天空爽氣含  
細路微茫通洛水亂山重疊接崑崙  
函白雲開塞新過鴈黃葉園林



驂最憶韶陽同榜客往來長是縱清談

寄襄陵丁廣文

風雲匆匆老歲華往來三宿廣文家  
香泛靄薰瑤席盡燭分光照紫霞  
別路迴驚汾水遠離情長繞晉山斜  
多君鳳穴風流在擬向鷓鴣班次第誇

送湯自新之永和令

羨君初拜九天恩銅墨之官喜氣新  
一路好山迎去馬二陵時雨浥行塵  
花封舊有唐風厚政績當如漢吏循  
我亦趨朝應有日佇看名譽達楓宸

神州八景



五集卷之二  
瓊岳春雲

昨夜東風海上過  
玉京瑤岳得春多  
數峰秀色分金碧  
滿谷祥雲絢綺羅  
映日已增千古瑞  
隨風頻繞萬年柯  
祇看出岫爲霖處  
長濟蒼生樂泰和

太液秋波

仙家岳嶼統瀛洲  
一鏡波澄淡靄收  
影浸玉樓先得月光  
鋪翠簾早生秋  
九霄氣接銀河迥  
萬頃風行雪浪游  
自是此中涵帝澤  
年年長向世間流

玉泉聖虹

山澤從來一氣通  
山頭飛瀑瀉玲瓏  
隨雲已作千秋



映日還爲五色虹  
瑤澗金銀騰寶氣  
碧霄珠玉  
高風若爲剪  
取永千尺  
一洗塵懷萬斛空

居庸疊翠

玉峰相向復相連  
一雨初收霽景鮮  
橫界曉空青未  
了  
平浮春野翠無邊  
鳳城佳氣通朝靄  
鰲海晴輝接  
曙烟  
自是古今天設險  
皇圖永奠億千年

盧溝曉月

一曲清流遶帝畿  
宿雲收盡曙光微  
疎星尚點離離  
影  
殘月猶涵淡淡暉  
霜滑石橋征鐸響  
風清沙渚塞  
鴻飛  
經行併覺塵埃盡  
多少清光上客衣



薊門烟樹

石門相對一川平  
嘉樹依依接鳳城  
密繞溪村雲未  
歛半遮山寺雨  
初晴歸鴉向夕穿  
新綠嬌鶯啼春  
落英試向高原凝  
望處祇疑韋偃盡  
初成

金臺夕照

千年玄社已湮沉  
尚有荒臺僅數尋  
壞埽只今生翠  
蘇頌垣不復貯黃  
金山嶠落日留殘  
照樹擁孤雲帶  
夕陰駿馬無聲衰  
草合冷風涼月暮  
蛩吟

西山晴雪

皇都一夜散瑤華  
曉見西山霽景嘉  
照日陳泉封素



練蹴天潮海漲銀沙晴暉近接仙人掌爽氣平浮上  
帝家多少玉堂揮翰手此時清興正無涯

寄舍弟塘四首

同侍先人久宦遊先人沒世葬林丘弟脩蘋藻居鄉  
里兄竊功名上帝州鴻鴈影分思並宿鶴鴒聲遠念  
相求勉脩令德光前緒頻寄書來解我憂

先母亡時汝四春先人辭世汝成人二親恩比乾坤  
大一氣情如手足親荆樹願同珠樹好棠華期與歲  
華新故鄉聞道逢艱日生計無忌早晚勤

父母生來汝與吾承家付托藉良圖立身莫若親賢



士防患應須遠酒徒得善便當銘肺腑敬身寧使損  
肌膚兄年謾長慙無德併寫斯言列坐隅

幾載艱虞西復東正趨明詔老親終含悲共汝辭河  
朔輿櫬還家托故封忽憶鵠原千里遠祇應棠蔭兩  
枝濃願叨微祿膺天寵早得焚黃拜祖宗

送牛給事領勅命還南京三首

趨朝北闕近臣回送別南風祖席開玉佩暫辭鸛鷺  
侶畫船行近鳳凰臺江山爽氣臨官署星斗清光接  
泰階此去超遷應有日中朝屬望想重來

黃門三載北趨朝又沐天恩下九霄別思暫傾黃鶴



江好風宜放潞河艘家人蟾子古應近官舍燈花結  
未消聖代兩京宏治化好持忠謹答軒堯  
南歸紫誥喜新頒送別都門擁大官鸞紙分題殊浩  
瀚羽觴行酒任飛翻呂梁浪穩仙舟度京口風清客  
思閑想到秣陵瞻北極便應咫尺見天顏

元氏詠古

太行西望翠成堆白石諸峰爽氣來元震劍鋒留石  
刻李躬書院長青苔磨盤南接田文墓槐木東連漢  
將臺獨羨三公神異久會鍾英傑位台階

磁州詠古二首



北來竹色正駸駸馬傍西山靜客襟  
滏水之源從龍洞出漳河流自發鳩  
深卓茆亭古無遺響勝景園空罷  
賞心翹首川原思故老尚留珠玉到  
如今

持節南行過滏陽川原繚繞接衡漳  
神麇山下河流出牛尾岡頭故塚荒  
風月舊樓餘斷刻大明遺剎有  
名章園林花木南薰細猶似祥蓮九  
夏香

邺鄴贈賈進士使關中

接踵青雲滿後塵君於道義最情親  
寧知握手邺鄴地同是觀風郡國人  
太華倚天秋氣爽洞庭橫劍曉霜新  
相思南北須珍重早約回轅觀紫宸



留贈沈仲安廣文

年來初識沈休文  
楚楚才名迥出群  
學道每能安素履  
論交端擬薄浮雲  
幾連華榻眠春曉  
又共清燈語夜分  
我向湖南重相憶  
莫忘書札往來聞

鈞州詠古次虛菴韻二首

南風攬轡過中州  
陽翟名邦得縱遊  
彩鳳臺空芳草合  
黑龍潭靜淡烟收  
馬經潁水清無迹  
路繞黃山翠欲流  
眺望幾回情未已  
遠空雲影自悠悠

匹馬南行接楚州  
路經標邑遂清遊  
學仙人去洞猶在  
鳴鳳臺空聲已收  
無限好山皆北向  
幾灣野水盡



東流垂鞭不管馬行緩更覺閑吟情緒悠

鈞州分司槿花盛開戲作

分司庭下舜花開清倚雕闌絕點埃坐客正看新朶  
盛遊蜂仍逐暗香來欲留芳艷明珠幌忍見殘英墜  
綠苔縱是鐵冠心似鐵也應花裏暫徘徊

襄城詠古

連村綠樹近襄城駐馬郊原眼界明汝水似環流處  
碧首山如案望中平具茨每咲莊生誕掛劍常高季  
札名佳句獨思韓吏部太平今已息天兵

葉縣詠古



沙河南度草州平綠樹陰邊見古城湛坂戰爭非美  
旅昆陽破賊是雄兵先來尚說王喬烏龍去空傳葉  
令名黃栢山前田漫漫已無沮溺舊時耕

贈舞陽朱進士

甲科選士擢才良喜見天荒破舞陽彩筆昔年同戰  
藝藍袍今日又還鄉相逢莫厭金樽滿談笑聊便竹  
牖涼栢府先登應自愧好期他日共飛霜

慈氏寺留題次虛菴韻

義陽慈氏古叢林風景蕭然靜客心到院好香浮細  
靄隔簾幽鳥送清音槿花妙有空中色柢樹濃支戶



文集卷之八  
外陰持節他年重過此會須細聽穎師琴

應山四賢堂次鍾文亮韻

平蕪青滿讀書臺爲憶前賢故故來一代高名曾仰  
德百年陳迹但興哀碑文剝落漫苔蘚棟宇傾頽困  
草萊欲奠椒漿無處所向風搔首重遲回

至武昌口號

不須飛蓋遠相迎暫向霜臺弭使旌藩臬盡知周典  
禮吏民皆識漢官名千年有幸逢熙皞萬國同風樂  
太平自顧樗材叨寵渥秋毫何以荅天明



舊時沙羨號嘉魚邑小人家星散居官舍高低叢異  
木大江環繞合重湖蜀山駐蹕空傳漢陸口屯兵已  
罷吳更上層峰肆遊覽晚雲飛盡楚天虛

登岳陽樓四首

人間聞有岳陽樓三十年來快此遊舉目但知天地  
濶憑闌不管歲華流江通巴蜀千山漲湖接瀟湘萬  
頃秋浩想希文話憂樂關河直北是中州

高城粉堞背層山城上危樓俯急湍湖水欲包天地  
外棹歌只在水雲間湘靈鼓瑟今何在仙子凌風去  
未還遍倚闌干閱今古白雲渺渺白鷗閑



玉斧飛霜過洞庭  
岳陽樓上寄高情  
天涯楚樹千行綠  
湖面君山一點青  
今古留題才浩渺  
往來登覽歲崢嶸  
中天徙倚多時節  
咲把高風滿抱清

澤國西風淨曉烟  
登臨暇日興悠然  
連空海水浮員嶠  
拍岸江聲送畫船  
蘭若清江懷楚客  
雲霞終古憶飛仙  
東南壯觀知應少  
細讀留題記往年

桃源詠古次趙子裕韻

雲林兩岸夾江津  
持節從容得遍巡  
百里仙源通異境  
幾家流水斷征塵  
溪頭翠竹偏宜夏  
洞口紅桃已放春  
一自輿圖歸聖化  
更無人世避咸秦



辰陽秋日

雄城百雉控蠻荒山翠高低護女牆萬里梯航通六  
詔五溪烟水下三湘邊氓久已漸華俗遠客頻應望  
帝鄉地氣于今同北土早秋時節雨生涼

辰溪二首

分司門外大江橫怪石參差岸不平眼底秋山無限  
好坐中涼吹有餘清棗垂翠葉丹砂重蠟滿青林素  
練明莫道蠻荒少題詠龍標詩有五溪名

辰溪縣裏駐華輿人俗雖殊景物同隔岸好山高聳  
玉遙門流水遠涵空雨過晚砌苔痕綠涼入秋堂蠟



炬紅爲念遠，眠情未已夜。深歎枕翠帷中。

沅州簡劉主事

灑灑沅州舊憲臺，早秋持節自天來。池邊脩竹知誰種，牕外寒梅待我開。永日已應無兩造，清宵時復望三台。知音更遇鵷行侶，客裏如何不放懷。

送劉主事之貴州三首

每憶襄陽孟浩然，喜君風致自翩翩。聲名重比千鈞鼎，藻思深如萬斛泉。玉節分光來北極，輶車結軫會南壩。沅江此別何時會，應在春花未發前。

沅州相送意何如，正是秋風八月初。蘭芷香來飄客



袂芙蓉花發照征車丹砂水碧登天府洞獠林蠻入  
版圖萬里山川遊覽遍好將風土載成書

蓋省官僚總俊才早知名譽動金臺細論黃甲聯鑣  
步同是青雲接踵來邂逅龍標官署靜分携沅水健  
帆開明年二月花如錦送子東風上玉階

沅州秋夜獨酌

江城秋夜盡堂清市酒沽來只自傾遶壁任教虫響  
切照人偏喜燭花明七千里外思鄉邑十二時中望  
帝京願布仁風滿南極還將遠俗奏彤庭

發沅州



畫船清曉發沅州送別官曹簇遠洲雙鰲忽隨高岸  
轉孤城已隔亂山稠殊風異俗多經覽瘴雨蠻烟任  
去留向夕燈明何處泊蒼蒼候館石林秋

過沅州見故鄉父老從戎者與道家鄉事多有

識先人者因賦此

邊城父老舊鄉隣  
弭節從容問所因  
綠髮已應辭故里  
白頭猶解識先人  
衣衫尚有唐風舊  
童稚皆傳楚語新  
爲說好安耕鑿計  
只今雨露萬方勻

黔陽九日

黔陽九日意何如  
北望神京萬里餘  
竹院已無人送



酒故園應有鴈傳書。鉄冠不向秋風落。黃菊仍霜曉。  
露舒霜滿。南天消惡氣。錦囊何必佩茱萸。

黔陽

龍標山下古黔陽。二水交流萬里長。風土往時爲異  
俗。車書此日混遐荒。棕林帶露麋麋碧。橙實經秋顆  
顆黃。清晝栢臺無訟牒。旋吟佳句旋焚香。

龍陽懷古

縣城北枕大江頭。水國輕州澹不收。星土從來分  
軫雲。山何處是金牛。濯纓尙有當時水。種橘猶存舊  
日洲。極目洞庭波漫漫。幾回乘興欲東流。



益陽詠古

濱水西來遶縣流  
烟波遠接洞庭秋  
津頭客舫足江  
貨岸畔人家多竹樓  
甘壘草荒秋月淡  
裴亭樹老暮  
烟稠浮丘仙子何須問  
我亦當年賦遠遊

同侍御張勉夫院宿二首

持節俱從遠地回  
連床兩喜宿烏臺  
談詩細雨燈前  
落對酒清風柳下來  
白雪敢歌當日調  
青雲未負此生懷  
霜蹄曉踏香泥去  
笑指空衢萬里開

風雨霜臺集  
暝烟同官復此對  
床眠消懷酒味於人  
好報喜燈花向客妍  
談困尙誇肝膽壯  
睡酣不覺鼓



鍾傳明朝定是晴明候通籍還應觀九天

寧鄉遇雨

湖南風土異中州歲暮蕭蕭雨不收黃葉未全凋老  
樹青林猶自滿層丘傳聞累歲都無雪祇覺三冬總  
似秋却憶故鄉天道正迎霜已著禦寒裘

寧鄉詠古二首

千家縣樹古黔中四望雲烟鎖翠峰水引溫泉分地  
利雨來雲洞仰神功朱門道學推張栻宋室忠賢數  
魏公鬱鬱遺阡今尚在蒲山松柏撼高風

風烟渺渺接長沙竹樹蒼蒼繞縣衙入境已知出水



秀觀風殊覺士民佳魏公華表橫秋草易板石扉掩  
暮霞更覓南軒讀書處寒梅開遍古祠花

長沙喜天色晴霽賦此

連旬山雨濕行旌弭節長沙喜晚晴岳麓斷雲歸洞  
府瀟湘皎月照江城銀河一派仙槎穩牛斗三更劍  
氣橫樽酒此時聊自適酒酒不盡古今情

長沙四詠

湖南清絕有長沙江市悠悠郭外斜水合三湘開浦  
溆山連五嶺散雲霞鴈鷺跡雨黃陵廟鵬鳥殘陽賈  
傅家且喜登臨窮勝觀不須懷古重興嗟



江城卑濕少塵埃。霽景風烟四望開。水接洞庭從北  
去。山連衡岳自南來。悠悠八翼陶侯夢。落落千年賈  
傅才。自昔爲邦多故老。總留風節使人哀。  
名郡前賢是舊遊。我來迴想興悠悠。少陵幾醉樽中  
酒。子厚重題驛畔樓。岳麓雲霞常帶雨。洞庭波浪遠  
涵秋。爲邦誰似朱夫子。道與湘灘晝夜流。

明時持節按湖南。澤國風烟到自諳。客舫盡應依水  
市。人家多是住山嵐。三苗已見華風遠。五嶺應知聖  
澤覃。廊廟只今登俊彥。不勞詞賦吊湘潭。

寶慶喜雪



文集卷之六  
十一  
一夜瑤華遍楚壩霜臺曉色正清妍天從北極行時  
令氣肅南荒壓瘴烟春信喜傳庾嶺樹客懷寧憶剡  
溪船觀風使者無他祝願與官曹詠有年

荅何永芳三首

星斗東來轉玉衡遠遊時序不須驚邵陽松竹迎寒  
秀瀆水林芳待煖榮政美已如金碗蔗官蕪爭比玉  
壺冰獨騎驄馬經行遍喜見民風處處清

邵陽風土接湘衡賢令之官犬不驚此日銅章分氣  
象往年金榜被恩榮無心真宰初行雪有脚陽春欲  
泮水持斧自天行郡邑溪山隨處好風清



飛騰還擬秉鈞衡。小試牛刀豈足驚。滿目山川開壯麗，無邊花草待欣榮。瘴消楚越山多雪，春滿湖湘水不冰。笑指梅花賦佳句，栢臺風致有餘清。

武岡山行

武岡南去萬山深，木雪峩峩闕太陰。石磴盤空飄凍靄，板橋橫水急清音。前旌婀娜回飛鳥，吹角悠揚過遠林。玉節壯遊天地大，風霜祇保百年心。

沅州已酉元日二首

邊城萬里入提封，元日瞻天拜舞同。星麗碧霄皆拱極，水趨滄海盡潮宗。千年舊仰甄陶力，三始仍看長



養功遙想鸛行我牙侶繡衣應染御香濃

履端宏啓三陽運憲闕遙馳萬里情龍尾仗嚴轡  
徹鳳池班整珮聲清風霜每抱瞻天敬葵藿寧忘向  
日誠玉節趨朝應不遠會從鸛鷺紫霄行

沅州賀正旦歸院賦此

千門結綺遍江城竟夕風傳鼓角聲兵甲森羅嚴虎  
隊旌旗繚繞簇龍亭車書萬國開元日文武同心仰  
聖明歸到臺中添喜氣紅梅花底覓詩情

沅州院中紅梅二首

都未有群芳祇見春紅滿後堂新萼半開含四



已繁英爛發散天香宿醒未解風前醉穠艷猶疑雪  
裏粧幾度巡簷索清笑仍燒絳蠟待昏黃  
自是人間第一花天教絕色冠群葩可應洞府神仙  
質粧點水霜御史家疎影入杯翻絳雪清香隨手折  
紅囊詩中帶得江南物歸到鷓鴣班取次誇

沅州元夕

一年佳節又元宵異域春雲滿眼思院落梅花凋冷  
藥池塘柳色弄新條昇平樂事懷中夏老大丹心戀  
聖朝獨擁霜臺清似水紅燈幾點月明高

贈別賀侍郎



一別經年梅柳新相逢  
沅水意何親  
栢臺英俊推先達  
桂籍聲名忝後塵  
又捧天書清劄伍  
幾操憲節達陽春  
中朝屬望歸來早  
佇沐龍墀寵渥頻

二月十五夜

花柳池臺宿暝烟  
清宵俯仰興悠然  
一年好景春纔半  
萬里晴霄月正圓  
憲節遠依南斗外  
鳳城遙在北辰邊  
馬周舊是新豐客  
呼酒東風憶往年

五友詩

竹

此君風致自疎疎  
相近相親慰索居  
翫日每看高節



長留情深托寸心虛清脩範歷風霜久濃渥深承  
露餘妍在百年無剪伐賸看新笋上霄衢

梅

憲府孤根別占春清標瀟灑離風塵南州花思偏留  
客東閣詩情解動人玉管吹香風力軟冰壺涵影月  
華新坐令懷抱深如許暗想調羹事業親

蘭

一自移根遠谷來便添清興滿烏臺羲娥馭日光風  
轉青女飛霜絕艷開每憶瑤琴翻雅調謾充騷佩慰  
高懷同心托契應非淺細看流年雨露栽



菊

一氣蕭森百草黃，獨留此物傲秋光。  
霜從降後殊多艷，風不來時亦自香。  
詩客采英秋得句，佳人倚竹暮凝粧。  
歲寒惟有烏臺客，共保芳根近畫堂。

蓮

菱荷相並滿青池，不受飛塵半點絲。  
高蓋每看濃露集，曲房一任好風吹。  
天姿不假雕鐫力，妙色多應造化奇。  
靜立亭亭如有待，結交須賦愛蓮詩。

沅州三月二日思親先人忌日

風木摧心已四年，沅州春日苦暄妍。  
無邊雨露滋群



物大地陽和決九泉。慙忿敢忘當日訓，守身期備昔人弦。光榮不及酹親願，俯仰終天涕泫然。

春日再發沅州

久住蠻州似故鄉。官船兩度發沅陽。貪看敵歲春山綠，却憶高秋老樹黃。宦迹不應辭遠近，天遊真可縱徜徉。沿流儘有新詩興，夾岸風來杜若香。

黔陽野人有鱖魚者詩以酬之

幾日山中只飯蔬。野人携籠鱖雙魚。欲懸却雜羊生燠，學放猶疑子產愚。酬價且傾官廩米，割烹恐有故鄉書。甘腴悅口斯須味，一飽應知不顧餘。



疊前韻

正是行厨薦野蔬多情野老送江魚  
細詢漁釣知何樂解道綸竿自養愚  
金錯飛聲初膾玉銀盤放箸且推書  
展勤更欲沾僮僕食罷還應問有餘

辰陽端午遣懷二首

五溪五月當五日時俗猶存舊楚風  
白雲堆盤人送玉龍舟疊鼓水搖空  
入簾山色隔江翠照眼榴花向日紅  
賜扇遠懷鷓鴣詞去年同謁大明宮

辰陽况復遇端陽沅水牽情萬里長  
鳳闕當年頒扇日龍墀此日賜衣香  
獨簪白筆叨天寵遠抱丹心憶



帝鄉未必蠻中久留滯  
趨朝應只待秋涼

發沅州舟中寄陳侍御二首

駐節沅州整一年束書今喜遶朝天  
久知按部無膏澤自愧居官費俸錢  
前度江流行思好舊遊山色別情牽  
西風一夜歸心切北極恩光日月懸

捲旗沙上簇雕戈畫鼓催舟發棹歌  
歸思載瞻黃道近交情將奈繡衣何  
一江烟水澄秋練兩岸雲山擁翠螺  
欲問清宵別來意冷猿啼處月明多

泊武口驛

風濤近接洞庭湖楊柳堤邊水驛孤  
回首已應蠻徼



遠登樓殊覺楚天虛  
征帆北客依津市  
貢篚南金賦  
舳艫清夜不眠持憲節  
歸心先到帝王都

洞庭湖阻風四首

高秋木落洞庭寬  
白筆南征使者還  
蘭若馨香懷澧浦  
烟霞縹緲認君山  
已應湖海添清氣  
更覺風濤入壯觀  
枉渚維舟苦留滯  
岳陽樓上憶憑闌

繫舟無奈北風何  
遣悶還應一放歌  
日射湖心翻錦浪  
烟收山頂露青螺  
蒼梧水闊秋天遠  
斑竹雲深暮雨多  
千載湘纍無復見  
欲從何處吊英娥

海內無如此壯遊  
高風木落洞庭秋  
青山半在波中



出白浪渾如天上流。騷思難尋澧浦佩。客程頻望岳陽樓。江河遠客情何似。浩想希文獨未休。

濤聲連日捲銀沙。野渚無聊眺望餘。數點雲山湖上出。一行風葦岸邊斜。老髯難覓仙翁笛。白簡還乘使者槎。況是中秋明月夜。滿湘久客正思家。

湖中阻風望君山

一望君山咫尺間。不堪連日阻風湍。祇愁枉渚維舟楫。安得遙空縱羽翰。天地盡應浮海水。蓬壺自昔隔塵寰。會須掛席過林麓。石磴攀蘿極妙觀。

湖中風濤大作



文集卷之八  
十二  
正是清秋月色多大風終夜鼓洪波銀山萬疊來高  
下鐵騎千群入盪摩好夢驚回朝帝闕歸心併起望  
天河明當少轉封姨力百里平湖頃刻過

登小孤山

二十年前曾過此今朝重上小孤山九霄旭日清光  
近萬里秋風爽氣寒南紀諸峰連地脉東流衆水會  
天開江山不盡登臨興望闕思親正倚闌

儀真三詠

東南水陸會真州河朔風雲拱上游潮落瓜洲遠渡  
出天連楊子大江流迎鑾鎮古名猶在鮮魴橋荒市



已休多少繁華成俯仰萬家烟火不勝秋  
聞道真州景物多晚秋時節偶來過蒹葭暮雨連滄  
海楊柳西風落漕河曉岸帆檣南客舫夜船燈火北  
人歌寓居候館情無限一寸丹心奈爾何  
大江分派入儀真楊柳人家夾法津舟楫東南來貢  
賦衣冠西北會星辰雲通赤岸天多雨境接滄溟地  
不塵欲問東園無故老苦吟搔首向風頻

歌風臺二首

芒碭雲連古帝鄉歌風臺近泗河傍  
提三尺安天下尚想群賢守四方  
英魄有靈藏地遠威名無比配



天長當時赤幟知何似紅葉園林夜有霜  
故城南畔泗河隈漢祖歌風有舊臺樂飲一時酣  
老壯心千古憶雄才新豐桑柘蕭疎盡芒碭雲霞散  
漫開一自鼎湖龍去後英魂幾復沛中來

發通州再往湖南

海內江山已慣遊今朝重泛潞河舟  
初辭天上雙龍表尚想雲間五鳳樓  
壓岸曉霜明憲節到船寒雨濕貂裘  
預期回首當開歲未必湖南可滯留

過流河驛挽王侍御

停舟沽酒酌主君恐見寒蕪徧旅墳  
岐路可無人世



別星霜便有死生分青驄騰踏名猶在白鶴旋歸語  
竟聞俯仰幾世增感慨朔風吹斷海西雲

襄陽懷古

鄧城纔過見樊城舊堞荒涼總舊名廢沼幾行寒鴈  
下疎林數點晚鴉鳴分茅尚自懷山甫謀國何須羨  
夏甥更問襄陽千古事峴山依舊漢江清

襄陽逢至日

襄樊又喜遇陽生士女傾心玉燭明  
長六符仍覩泰階平朔風吹雪荆山曉  
化日流春漢水清大地陽和從此布  
栢臺寧復冷如水



遊岳陽圓通寺

巴陵古寺有圓通寺下平湖接太空禪室靜涵鯁室  
冷梵樓遙映蜃樓紅諸天只在虛空外萬象皆歸曠  
蕩中鐵面道人人不識偶來登覽自從容

遊君山

兩過君山苦未遊今來山下暫停舟雲林一逕蒼苔  
合佛殿千年古迹留日月每從波底出峰巒常在  
中浮人生志節當如此屹立狂瀾幾萬秋

桃源道中三首

刀闌勝景如天上此日經行已再來水入



急山圍村塢到時開荒溪難覓當時洞廢觀空餘  
日臺謾說人間有仙跡不知天地也塵埃

兩日桃源道路中無邊清興每相供雲山過後層層  
見澗水行來處處同蘿遙州光籠軟翠松岩雲彩絢  
新紅何當一覽壺中小更上淮南萬仞峰

桃源景物信幽奇幾度游觀愜所思丹碧峰巒雪裏  
見青蒼林木鏡中窺漁舟一去仙源合石洞重來碧  
蘚滋惟有武陵溪上樹年年花發使人疑

沅州元夜同陳侍御觀燈

萬里歸來自帝朝沅陽今是兩元宵詩從見月添新



興人喜觀燈得俊僚北極星辰垂地遠南天瘴癘到  
春渝栢臺風致清如許梅蕊頒香入凍醪

戲詠五友

五友留連興趣多相看長是動吟哦梅花酸實垂垂  
盛蘭畹香風細細過老大竹根生嫩笋輕通藕蒂長  
新荷不知黃菊花開日已別還應未去何

沅州雜詩十二首

積雨連朝喜晚晴天開睥睨望邊明水添沅澧新濤  
急山洗黔巫宿瘴清奉使每期三尺正觀風快觀萬  
方平霜凜永日多詩思新笋兒孫次第生



三年尚未歸黃梅庭院雨霏霏池荷柄短青錢  
小露竹梢長粉籜霜大道久知千古在遠懷未信  
生遲新晴眼界何空濶萬里青霄羨鳥飛

正是霜莖弭節時不堪風物動相思庭前綠草飛蝴蝶  
城外清江斗子規北地關河頻入望南天雷雨自  
無私預將歸橐貯知己萬里觀風牘有詩

遠山重疊繞孤城城下蘼江一曲濤溪峒人家猶異  
俗市塵兒女帶華聲將鳥鬼爲生計地產丹砂當  
歲征自昔黔中風土惡遠遊那得易爲情

涓埃無補聖明朝持節南荒歲月遙幾見園千生薜



荔蘋看烟雨綻芭蕉山城每聽鍾聲早金闕常思翫  
影高爲報鸞行舊知己耽書未解子雲嘲

樊道西連蜀道長五溪風土古蠻鄉相傳遺種多繁  
瓠見說藏書卽酉陽梅雨來時諸水漲野雲飛處萬  
山蒼鐵冠自是心如鐵一任江如九曲腸

剪燭空堂欲正更堂前新雨夏虫鳴每因時物思幼  
青未有秋毫荅寵榮歲月不催雙鬢綠詩書祇倚片  
心明端居遠想千年事漢室還應召賈生

大化無邊歲月長幾年寒暑歷荆陽衡巫望處天三  
尺湖海流來水一觴心地平時爲福地異鄉好處



家鄉烏堊一夜芭蕉雨  
曉有新涼入畫堂  
聖化如天統四溟  
黔中封界揜荆衡  
壺頭不復當時險  
克道無如此日平  
渺渺荒烟含遠岫  
悠悠流水帶邊城  
武陵溪上哀生笛  
吹盡關山幾許情  
雙沼荷風颭畫屏  
一林梅雨洗幽庭  
日長心緒思家國  
地遠衷情念鵲鴒  
細草偏從行處綠  
好山多在望中青  
身兼吏隱今如此  
擾擾塵勞不用爭  
侵城水色映飛樓  
樓外晴天屬望悠  
萬里山連百越遠  
五溪漲入九江流  
黃州陳迹知何似  
赤壁蒼烟久未收  
法像有廬真草草  
令人俯仰意難休



辰沉風壤帶三苗一望乾坤納納遙翼軫衆星朝北極  
岷嶓諸嶺導南條天隣巫峽常多雨江過潯陽始有潮  
近日詩懷殊浩渺謾將新句寫芭蕉

沅州秋夜忽憶三年前秋夜之作二首

獨坐高堂蠟炬紅宛然秋與昔年同宦情不改來時  
淡詩思渾如到日濃楊柳影斜簾外月菱荷香老水  
邊風莫言白筆南征久贏得歸囊一物空

黔中今是第三秋又聽蟲聲四壁幽脩竹林間天籟  
發芭蕉葉上露華流知非漸擬高人化學道寧忘長  
春好在燈花頻送喜沅江幾日放歸舟



次王侍御韻

憲府乘駟舊有名今秋偶爾會蠻荆虹霓氣接風雲  
氣珠玉聲隨咳唾聲萬里山川勞跋涉諸蕃部落待  
澄清愧予無補空持節願有丹心久更明

立春

辰陽城裏遇新春簫鼓蠻歌動四隣溪峒總無前世  
梗華夷咸仰大明仁官梅向客開何數江柳催時發  
更頻春酒一杯聊自勸瞻天未已又思親

次王侍御見寄韻二首

去年秋晚送君時別後長懷遠道思健筆久推天下



睡起口號

睡起霜臺萬慮清  
天時物理獨關情  
黃梅熟後無風  
落翠蘚看來冒雨生  
學向靜中方識味道  
全身肉不  
守名懸知千古無言子  
不信人間有六經

謝李布政文英以字帖藥方見寄

政聞左轄振條綱  
忽寄書來喜欲狂  
字向池邊添妙  
法醫從肘後驗仙方  
十年契濶情如舊  
兩地相思意  
不忘會面湖藩頂  
有日片帆行擬下沅湘

辰州喜雪

臘月江城不起塵  
朔風吹雪正頻頻  
臺端老柏貞心



切墻外踈梅冷蕊新地氣已應清煒癘歲華行復見  
陽春久知樽散無他補祇詠豐年慰遠民

登沅州城樓

縹緲飛樓面面通霜臺多暇此從容  
牕含曉日烟霄上城繞秋山錦繡中  
天壓大荒均雨露地包絕域盡提封  
小臣弭節裁詩日誕播皇風萬國同

寄于侍郎廷益

黃甲同年二百人大名飛步獨超倫  
乘驄正仰風霜肅司馬俄承寵渥頻  
列郡年豐爭轉粟兩河春暖見歸民  
天書重疊膺殊寵好布人間雨露新



陽武懷古

黃河南下是通津。縣郭千年枕水濱。  
兵結團城猶有漢。車驚博浪已無秦。  
黑陽山晚橫殘照。清水潭乾起暮塵。  
立馬幾回思往事。宰平誰識社中人。

襄城道中

三持憲節過襄城。喜見中州景物明。  
天倚嵩高霜氣肅。地連許潁曉烟橫。  
輿圖渾渾開昌運。民物熙熙樂太平。  
萬里觀風良自負。遠懷還擬遂平生。

衛河舟中懷古

哀草無城瘞月輝。河流雖是昔人非。  
北門鎖鑰輸平



仲南度兵車數岳飛汴水風高霜落木吳山秋晚露  
霜衣當時故老知何限空抱遺忠賦式微

左掖退朝口號

寶蓋初收扇影還千官行過石闌干天階好雨霽旌  
旆洞戶清風引佩環鍾響已飄雙闕外香烟猶繞五  
雲間久陪鴛鴦知無補自訝昇平際遇難

宿院簡焦羅張陳四侍御

楊柳風清憲府深晚涼時節自開襟  
星橫北斗三更柄月轉東瀛萬頃金  
握節幾時窮地脉觀書直欲見  
天心吐懷落落霜侵鬢誰伴單居御史吟



送孫俊先生致仕歸鄆陵三首

先生七十引年歸送別都門柳絮飛潞水東風斜捲  
幔金臺晚照遠御衣收功桃李心初遂行樂桑榆志  
未違况復潁川多故事到家爭仰德星輝

歸老儒官七十餘扁舟唯載舊詩書泥融野岸晴飛  
燕飯熟竹庖曉薦魚花柳風烟新歲月桑麻雨露舊  
村墟到家處處堪行樂應有兒童爲挽車

彭祖岡南古潁川先生茅屋尚依然甘貧已道爲官  
好勇退爭誇引老賢歸路載添新白髮到家唯有舊  
青氈耆英洛社如堪結留取風流久遠傳



遣懷

樗材無補聖明時  
持斧年多鬢欲絲  
癯瘵久虛先壠  
薦詩書應有正人知  
趨朝鳳闕推先達  
退食烏臺愧後期  
幸自此身安蹇拙  
幾看雲與意俱遲

宿院遣興

相臺清絕小窓虛  
閑看遙空思有餘  
明月有光圓又缺  
浮雲不定卷還舒  
初晴爽氣澄襟冷  
入夜清風到面徐  
莫笑官貧身老大  
無名公已悟乘除

遣懷

得書夏日足官府  
忽憶少年行樂時  
高柳送涼蟬斷



續清溪濯足石參差班荆或共高人語採藥頻從野  
老嬉遠興無端真在想白雲芳草舊襟期

文清公薛先生文集卷







